



Smjernice za aplikante – (organizacije civilnog društva (OCD) u okviru javnog poziva za predaju projektnih prijedloga) jedinice lokalne samouprave Lukavac

Cilj ovih smjernica je davanje jasnog i konciznog uputstva svim potencijalnim aplikantima i zainteresovanim subjektima o procesu podnošenja projektnih prijedloga u okviru javnog poziva za nevladine organizacije/organizacije civilnog društva za predaju prijedloga projekata, a po principima usvojene LOD metodologije.

1. Opći cilj poziva za predaju prijedloga projekata i prioriteti

Opći cilj prijedloga projekata koji se mogu predati u okviru ovog poziva je jačanje partnerstva između organizacija civilnog društva i lokalnih organa vlasti izgradnjom svijesti o korisnosti međusobne saradnje i podsticanju održivog dijaloga, a sve u cilju pružanja boljih usluga lokalnoj zajednici.

Fokus definiranih prioriternih područja treba se odnositi na projekte u oblasti socijalne uključenosti.

Pozivaju se sve organizacije civilnog društva (OCD) / nevladine organizacije (NVO) iz Bosne i Hercegovine da dostave prijedloge projekata koji su u vezi sa razvojnim ciljevima Grada Lukavac. Prioritetne oblasti, sa posebnim fokusom na projekte socijalne uključenosti su sljedeće:

LOT 1 (KULTURA I NAUKA)

LOT 2 (EKOLOGIJA)

LOT 3 (SOCIJALNA I ZDRAVSTVENA ZAŠTITA)

LOT 4 (PODSTICAJ MLADIMA)

LOT 5 (SPORT)

LOT 6 (SPORT ZA OSOBE SA INVALIDITETOM)

Finansijska sredstva će biti dodijeljena onim organizacijama civilnog društva čiji će projekti doprinijeti rješavanju jednog ili više prioriteta, a koji zadovoljavaju kvalitetom i ispunjavaju ostale uslove.

2. Iznosi finansijskih sredstava (grantova) za projekte

Podnositelji projektnih prijedloga mogu tražiti ukupan iznos cijene projekta ili dio nedostajućih sredstava, što je dužan navesti u Prijedlogu. Administrativni troškovi i troškovi osoblja projekta mogu se finansirati u maksimalnom iznosu do 20% od zahtijevanog iznosa.

Zainteresovane OCD mogu sufinansirati projekt kojim apliciraju ili dio sredstava osigurati od drugih donatora.

Grantom koji se dodjeljuje u okviru ovog poziva mogu se finansirati administrativni troškovi i troškovi osoblja u maksimalnom iznosu od 20% od zahtjevanog iznosa, ostatak od 80% finansijskih sredstava treba biti predviđen za programske aktivnosti projekta.

Na transferu Javni poziv za projekte OCD-a, Javni poziv u oblasti sporta, Tekući transfer za oblast nauke i izdavačku djelatnost i Podsticaj mladima, u 2025. godini za sufinansiranje projekata planirano je ukupno 99.180,00 KM (LOT 1, 2, 3, 4, 5, 6).

Ukupna vrijednost po jednom projektu je od 1.000,00 do 7.000,00 KM.

3. Opće informacije o pozivu za predaju prijedloga projekata

Prijedlog projekta mora sadržavati sljedeće:

- Projektni prijedlog (Word format Aneks 1),
- Pregled budžeta/proračuna (Excel format - Aneks 2),
- Matrica logičkog okvira (Word format - Aneks 3),
- Plan aktivnosti i promocije (Excel format - Aneks 4),
- Administrativni podaci o aplikantu (Word format - Aneks 5),
- Finansijska identifikacijska forma (Word format - Aneks 6),
- Izjava o podobnosti (Word format - Aneks 7),
- Lista za provjeru (Word format - Aneks 8),
- Izjava o prihvatanju korekcije traženih budžetskih sredstava ovjerena pečatom nevladine organizacije i potpisana od strane ovlaštenog lica za predstavljanje i zastupanje

Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija mora da sadrži sljedeće:

- kopija važećeg rješenja o registraciji organizacije u BiH (za nosioca projekta/aplikanta i eventualne partnere na projektu),
- kopija statuta organizacije (aplikant i partneri),
- kopija završnog godišnjeg finansijskog izvještaja za posljednju godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,
- kopija godišnjeg narativnog izvještaja organizacije poslednju godinu

U slučaju da projekat bude odobren originali dokumentata mogu biti traženi na uvid.

4. Ko može aplicirati?

Učešće u ovom javnom pozivu je otvoreno, na jednakim osnovama, za sve formalno registrirane NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

Da bi se prijavili na javni poziv aplikanti moraju:

- biti pravno lice neprofitabilnog karaktera registrirano u BiH u skladu sa važećim zakonskim propisima (udruženje/udruga ili fondacija);

Potencijalni aplikanti ne mogu učestvovati u pozivu ili ne mogu dobiti grantove ukoliko uz prijedlog projekta ne dostave potpisanu izjavu o podobnosti (Aneks 7).

Aplikanti će biti isključeni iz učešća u pozivu ili iz dodjeljivanja grantova ako su u trenutku poziva za predaju prijedloga projekata:

- (a) subjekti konflikta interesa;

- (b) krivi za davanje lažnih informacija ovlaštenoj strani za ugovore, koje su potrebne kao predušlov za učestvovanje u pozivu za predaju prijedloga projekata ili ako nisu dostavili potrebne informacije;
- (c) pokušali doći do povjerljivih informacija, uticali na komisiju za evaluaciju ili ovlaštenu stranu za ugovore tokom procesa evaluacije poziva za predaju prijedloga projekata.

5. Partnerstva i podobnost partnera

Aplikanti mogu aplicirati samostalno ili u partnerstvu sa drugim organizacijama i/ili institucijama.

Partnerske organizacije

Partneri na projektu mogu biti: druge nevladine organizacije. Partneri aplikanta učestvuju u kreiranju i implementaciji projekta, a troškovi koje oni naprave, potpadaju pod ista pravila kao i oni koje napravi sam aplikant, što znači da partnerske organizacije moraju zadovoljiti iste uslove podobnosti kao i aplikant. Ako aplicira u partnerstvu, "Aplikant," će biti vodeća organizacija, a ako bude izabran, kao ugovorna strana ("Korisnik"), snositi će u potpunosti pravne i finansijske odgovornosti za izvršenje projekta. Izjava o partnerstvu mora biti ispravno popunjena i istovremeno predata sa aplikacijom.

Saradnici

I druge organizacije i/ili institucije mogu biti uključene u projekat. Takve organizacije-saradnici imaju stvarnu ulogu u realizaciji aktivnosti, ali ne mogu dobiti sredstva iz granta.

6. Prioritetne oblasti

Projekti sa kojima se može aplicirati u okviru ovog poziva moraju biti u skladu sa razvojnim ciljevima i strategijama općine Lukavac.

Projekat mora obuhvatiti jednu ili više prioritetnih oblasti definisanih za općinu Lukavac:

LOT 1 (KULTURA, NAUKA)

Kultura i nauka:

- unapređenje i zaštita, očuvanje i promocija materijalnog i nematerijalnog kulturno-historijskog i prirodnog naslijeđa zavičajnog prostora,
- manifestacije koje potiču međugradsku kulturnu saradnju,
- izdavaštvo (naučna i druga djela),
- promociju knjiga i izložbe koje doprinose razvoju i obogaćivanju kulturnog života grada Lukavac organizovanjem kulturnih manifestacija u gradu Lukavac,
- muzičku, likovnu, pozorišnu i plesnu djelatnost,
- multimedijalnu djelatnost,
- promociju mladih u kulturi,
- poticanje kulturno-umjetničkog stvaralaštva,
- izrada kulturno-umjetničkih djela koja za temu imaju Lukavac.
- naučno- istraživački radovi, projekti i drugi projekti iz oblasti nauke.
- Promocija kulturnog življenja i usluga iz domena kulture
- Arheološka istraživanja na području grada Lukavac

LOT 2 (EKOLOGIJA)

Očuvanje raznolikosti ekosistema na području grada Lukavac kroz:

- omladinski volonterizam i građanske inicijative,
- projekat očuvanja ribljeg fonda,
- ispitivanje kvaliteta vode na jezeru Modrac i prirodnog priraštaja ribe.
- zaštita okoliša - aktivnosti koje promoviraju odgovoran odnos prema prirodi,
- unapređenje kvalitete življenja
- zaštita i očuvanje zdravlja i životne sredine
- jačanje ekološke svijesti
- razvijanje dobre prakse lokalne zajednice
- promocija zdravog načina života u skladu sa ekološkim principima i sl.

LOT 3 (SOCIJALNA I ZDRAVSTVENA ZAŠTITA)

Socijalna i zdravstvena zaštita:

- zaštita porodice,
- zaštita i promocija ljudskih prava,
- prava djeteta i prava manjina,
- unapređenje kvalitete života osoba s invaliditetom, penzionera i djece s poteškoćama u razvoju,
- edukacija mladih o porocima savremenog svijeta (droga, alkohol, pušenje i dr.),
- jednakopravnost spolova (kroz komponente Gender akcionog plana BIH) i sl.
- Promocija preventivnog zdravstvenog djelovanja u očuvanju mentalnog zdravlja i suzbijanju rizičnog socijalnog ponašanja
- Prevencija vršnjačkog nasilja
- Prevencija nasilja u porodici
- Program podrške djeci i mladima oboljelim od malignih oboljenja
- Unapređenje modela rada sa mladima sa poremećajima u ponašanju
- Procjena dosadašnjih efekata inkluzije i kreiranje strategije prema osobama sa invaliditetom
- Izrada studije siromaštva i socijalne isključenosti mladih

LOT 4 (PODSTICAJ MLADIMA)

Projekti namijenjeni udruženjima mladih i neformalnim grupama mladih:

- Programi neformalnog obrazovanja
- Stručno osposobljavanje za samostalan rad mladih
- Program podrške mladima sa invaliditetom i poteškoćama u razvoju
- Programi za unapređenje standarda življenja mladih
- Prevencija i intervencija maloljetničkog prijestupništva
- Sportom protiv maloljetničke delinkvencije
- Reproduktivno zdravlje mladih
- Prevencija i tretman gojaznosti mladih
- Psihološka podrška mladima

- Edukacija iz prve pomoći
- Promocija zdravih stilova života
- Pozorište mladih
- Škola plivanja za djecu i mlade
- Škola skijanja za djecu i mlade
- Sportske aktivnosti za mlade osobe sa invaliditetom
- akademija građanskog aktivizma
- Projekti promocije volonterizma i građanskog aktivizma
- Programi volontiranja za mlade
- Jačanje svijesti o okolišu i podrška aktivnostima vezanim za očuvanje životne sredine
- Podrška programima unaprjeđenja ljudskih prava, izgradnje mira i mirovnog aktivizma
- Istraživanja stavova, problema i potreba mladih na području grada Lukavac
- Promocija pozitivnih uzora za mlade

NAPOMENA: Aplikanti koji apliciraju za ovaj LOT, moraju biti upisani u općinski/gradski Registar omladinskih organizacija i neformalnih grupa mladih.

LOT 5 (SPORT)

- Razvoj nerazvijenih sportova
- Sport i tjelesne aktivnosti u predškolskom uzrastu
- Kompenzacija nedostatka tjelesnog odgoja u školama kroz vannastavne sportske aktivnosti
- Organizacija sportsko-rekreativnih sportskih aktivnosti za osobe treće životne dobi
- Organizacija sportsko-rekreativnih aktivnosti za osobe sa invaliditetom
- Organizacija edukacije stručnih lica iz oblasti sporta
- Primjena dijagnostike u školskom i rekreativnom sportu
- Izdavačka stručna i naučna djelatnost iz oblasti sporta
- Edukacije roditelja predškolske i školske djece o vrijednostima sporta
- Besplatne škole sporta,
- organizacija sportskih manifestacija u okviru značajnih manifestacija,
- održavanja revijalnih sportskih takmičenja,
- organizacija tradicionalnih sportskih manifestacija,
- rekreacija za sve – programi rekreacije za određene uzraste,
- projekti za manifestacije koje imaju godišnji kontinuitet,
- projekte u oblasti sportske edukacije, sportske dijagnostike, trenažnih procesa, organizacije sportskih manifestacija i sl.,
- Sufinansiranje organizacije sportskih takmičenja
- Mapiranje pješačkih, biciklističkih i planinarskih staza
- Škola plivanja za djecu i mlade
- Škola skijanja za djecu i mlade
- Projekti ženskih sportskih klubova

LOT 6 (SPORT ZA OSOBE SA INVALIDITETOM)

Sport za osobe sa invaliditetom:

- Organiziranje i provođenje sportskih manifestacija udruženja sa invaliditetom,
- Sportskih manifestacija za mlađi uzrast, mladih i odraslih za koje je iskazan interes grada Lukavac,
- rekreacijski sport,
- Sportske programe i sadržaje koji doprinose unaprjeđenju kvalitete života osoba sa invaliditetom u oblasti sporta,
- Aktivnosti koje promoviraju amaterizam, volonterizam i timski rad u sportu,
- Uspostavljanja omladinskih pogona pri takmičarskim klubovima i sl.
- Sportske aktivnosti za mlade osobe sa invaliditetom

7. Trajanje

Izabrani projekti se trebaju realizirati do 31. decembra 2025. godine.

8. Lokacija

Projekti moraju biti implementirani isključivo na području grada Lukavac i u korist građana grada Lukavac.

9. Vrste projekata

Projekti koji se finansiraju trebaju biti pripremljeni u skladu sa Javnim pozivom tj. prioritetima navedenim u Pozivu. Fokus projektnih aktivnosti je na temi socijalne inkluzije, sa izraženim elementima Gender komponente. Projektni prijedlozi trebaju jasno zadovoljavati potrebe iskazane u tekstu Javnog poziva.

Projekti trebaju biti kreirani kao odgovor na specifične potrebe lokalne zajednice i određene ciljne grupe, identifikovane projektom.

Projekti bi se trebali sastojati od nezavisnih operativnih aktivnosti sa jasno formulisanim operativnim ciljevima, ciljnim grupama i planiranim ishodima.

Projekat treba biti integrisani, metodološki set aktivnosti, kreiran da ostvari određene specifične ciljeve i rezultate unutar ograničenog vremenskog okvira.

Opći program rada organizacije aplikanta ili nekog od partnera na projektu ne može predstavljati projekat.

Sljedeće aktivnosti nisu preporučljive za dodjelu grantova:

- Projekti udruženja koja nisu izvršila svoje obaveze po ranije odobrenim projektima finansiranim iz Budžeta Grada Lukavac,
- Projekti koji se isključivo odnose na jednokratne manifestacije, osim u slučajevima kada su dio trajnijeg i sveobuhvatnijeg projekta,
- Projekti koji se odnose na povremene konferencije, osim ako su neophodne za uspješnu implementaciju projekta,
- Projekti koji se odnose na finansiranje redovnih aktivnosti podnosioca projektnog prijedloga ili njihovih partnera,
- Projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je neophodna za uspješnu implementaciju projekta,

- Projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 20% od ukupnih troškova projekta,
- Projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima,
- Projekti koji su usmjereni prema vjerskim ciljevima i aktivnostima,
- Projekti koji su usmjereni prema političkim aktivnostima,
- Projekti koji su namijenjeni za isključivu dobrobit pojedinca,
- Projekti koji se zasnivaju na dodjeljivanju sredstava trećoj strani.

10. Broj prijedloga projekata i grantova po aplikantu

Aplikant može predati jednu aplikaciju u okviru javnog poziva.

11. Gdje i kako preuzeti i poslati aplikacije

Dokumentacija za prijavu na Javni poziv za Grad Lukavac se može preuzeti na web stranici Grada Lukavac (<https://opcina.lukavac.ba/>), ili lično preuzimanjem u šalter sali Grada Lukavac, Trg Slobode 1, 75300 Lukavac ili kancelariji br. 23.

Sve potrebne informacije i elektronska verzija cijelog paketa prijavne dokumentacije može se naći na web stranici općine Lukavac (<https://opcina.lukavac.ba/>).

Ispunjena aplikacija (sa kompletnom zahtijevanom dokumentacijom) se mora dostaviti u štampanoj i elektronskoj formi.

Prijave je potrebno dostaviti u zatvorenoj koverti u dva primjerka i elektronski na cd-u ili usb-u, preporučenom poštom ili lično tokom radnih dana (ponedjeljak – petak), na pisarnici Gradske uprave u periodu od 07:00 do 15:30 sati, na sljedeću adresu:

Grad Lukavac, Trg Slobode 1, 75300 Lukavac, sa naznakom za Javni poziv OCD

Rok za predaju aplikacija je **21 (dvadesetjedan) dan od dana objavljivanja na Oglasnoj ploči Grada Lukavac i web stranici Grada Lukavac**. Aplikacije dostavljene nakon navedenog roka neće bit razmatrane.

Spoljašnja strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati, prijava na javni poziv, LOT br. _____”**.

Rezultati će biti objavljeni na web stranici Grada Lukavac (<https://opcina.lukavac.ba/>), kao i na oglasnoj ploči Grada Lukavac.

12. Dodatne informacije

Pitanja u vezi sa javnim pozivom se mogu postaviti na broj telefona 035/366-737, ili lično u kancelariji br. 23.

13. Evaluacija i odabir prijedloga projekata

Aplikacije će biti razmotrene i procijenjene od strane evaluacione komisije koju će činiti predstavnici JLS kojoj se aplicira i predstavnik organizacija civilnog društva. Sve aktivnosti koje aplikant navede biće procijenjene prema sljedećim kriterijima:

(1) Ispunjenje administrativnih uslova

- Potvrda da je aplikacija kompletno popunjena u skladu sa listom za provjeru;

- Dokumentacija dostavljena u 2 primjerka (2 štampana + 1 elektronski CD ili USB) ;
- (2) Ispunjenje uslova koji se tiču aplikanta, partnera i aktivnosti
- Potvrda da aplikant, partneri (i saradnici, ako postoje), kao i aktivnosti, ispunjavaju uslove navedene u poglavljima 5, 6, 7, 8, 9 i 10.
- (3) Procjena kvaliteta projekta i finansijska evaluacija

Procjena kvaliteta projekta, uključujući i predloženi budžet, biće izvršena u skladu sa kriterijima utvrđenim u tabeli za evaluaciju koja je sastavni dio ovog dokumenta. Postoje dvije vrste kriterija za evaluaciju: kriteriji za selekciju i kriteriji za dodjelu sredstava.

Cilj kriterija za selekciju je da pomognu procjenu finansijskih i operativnih sposobnosti aplikanta kako bi se osiguralo da oni:

- imaju stabilna i dovoljna finansijska sredstva za sopstveni rad tokom cjelokupnog perioda implementacije projekta;
- posjeduju profesionalne sposobnosti i kvalifikacije potrebne za uspješnu implementaciju kompletnog projekta. Ovo se odnosi i na partnere aplikanta.

Kriteriji za dodjelu sredstava omogućavaju da se kvalitet predatih projekata procijeni na osnovu postavljenih prioritetnih oblasti, a sredstva odobre po osnovu aktivnosti koje maksimiziraju opšti efekat samog poziva za predaju prijedloga projekata. Kriteriji se odnose na značaj predloženog projekta, usaglašenost projekta sa ciljem poziva i prioritetnim oblastima, kvalitet projekta, očekivane rezultate, održivost projekta i racionalnost traženih sredstava.

Molimo Vas da obratite pažnju na sljedeće bitne informacije:

Sistem bodovanja:

Kriteriji evaluacije podijeljeni su na sekcije i podsekcije. **Svaka podsekcija se obavezno ocjenjuje ocjenama između 1 i 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro.** Svaki član komisije potpisuje evaluacionu tabelu za svaki projektni prijedlog. Rangiranje projektnih prijedloga se vrši na način da je prvoplasirani projektni prijedlog onaj koji ima najveći zbir bodova, te slijedi projekat sa prvim slijedećim nižim zbirom bodova i tako do najnižeg zbira osvojenih bodova.

Samo projekti koji su dobili preko 50 bodova će biti razmatrani za finansiranje, jer projektni prijedlozi ispod ovog praga nisu bili u stanju zadovoljiti postavljene standarde te bi efikasnost njihove sprovedbe mogla biti upitna.

Da bi bili uzeti u razmatranje za finansiranje, projekti čiji su zahtijevani budžeti preko 4.000,00 KM trebaju dobiti preko 75 i više bodova u procesu evaluacije. Odluka o odobrenju granta zasnovana je na ukupnom broju projekata koji mogu biti finansirani u okviru raspoloživih sredstava. Ovi pragovi su utvrđeni kako bi se odredio minimalni kvalitet projektnih prijedloga te time osigurala najbolja vrijednost za data sredstva. Prioritet pri odobravanju sredstava će imati projekti sa najviše bodova.

Napomena o Sekciji 1. Finansijski i operativni kapacitet podnosioca prijave

Ukoliko je ukupan zbir u **Sekciji br.1 niži od 10 bodova**, projekat će biti isključen iz daljeg evaluacionog procesa, jer je procijenjeno da OCD nema minimalne kapacitete za kvalitetnu implementaciju predloženog projekta.

Napomena o Sekciji 2. Relevantnost

Ukoliko je ukupan zbir u **Sekciji 2, niži od 18 bodova**, projekt će biti isključen iz daljeg evaluacionog procesa, jer ovakva procjena podrazumjeva da, iako podnosioc prijave zadovoljava finansijske i operativne kapacitete, sama projektna ideja nije relevantna niti u skladu sa definisanim

prioritetima iz javnog poziva, te ne utiče u dovoljnoj mjeri na zadovoljenje potreba lokalne zajednice.

Obavještenje o odluci

Rezultati će biti objavljeni na web stranici Grada Lukavac (<https://opcina.lukavac.ba/>), kao i na oglasnoj ploči Grada Lukavac.

Odluka komisije o odbijanju prijedloga projekta ili neodobranju sredstava biće donesena ako:

- aplikant ili jedan ili više njegovih partnera ne ispunjavaju uslove za učešće na javnom pozivu;
- projektne aktivnosti nisu prihvatljive (npr. predložene aktivnosti izlaze izvan okvira poziva za predaju prijedloga projekata, projekat po predviđenom trajanju prelazi maksimalni dozvoljeni vremenski period ili je manji od minimalnog, zahtijevana suma novca je veća od maksimalne dozvoljene sume ili manja od minimalne itd.);
- prijedlog projekta nije bio dovoljno relevantan ili finansijski i operativni kapaciteti aplikanta nisu dovoljni, ili su projekti koji su izabrani bili superiorniji po ovim pitanjima;
- prijedlog projekta ocijenjen kao tehnički i finansijski inferioran u odnosu na izabrane prijedloge projekata.

Izveštaji o procesu evaluacije i uspješno evaluirani projekti se dostavljaju Gradonačelniku koji donosi konačnu odluku o finansiranju ili odbijanju bilo kojeg projekta u okviru ovog javnog poziva.

Uslovi koji se odnose na implementaciju projekta nakon odluke o dodjeli granta

Nakon donošenja odluke o dodjeli granta, organizaciji civilnog društva čiji je projekat odobren, biti će ponuđen odgovarajući ugovor za implementaciju projekta.

Prije potpisivanja ugovora Služba za društvene djelatnosti i upravu ima pravo da zatraži od organizacije civilnog društva da izvrši određene izmjene na projektnom prijedlogu kako bi bili u skladu sa pravilima i procedurama implementacije projekta po LOD metodologiji.